

求是堂文集卷之十

重結蓮社疏


原夫魚鳥親人爲適其意山水媚道須辨以形開士錫
來淵洗苔邊之識諸公玉集岫飛葉上之文聖一代英
靈領六朝風雅是以夢回西竺象教已傳影落東林馬
門斯在闇與理合十四性論驚筵淡可神棲十八名賢
滿座蓮漏夕隕松苑晨吹如素業之未忘寧容通隱苟
色絲之既染未許裸心爰砌藕池引聰明之流水是成
求是堂文集

卷之十

一

榆社傍蕭散之數峯電拆霜開擬呈無義風清月白欲
墮有情巖峻千尋齊得喪於非我艸渡一丈任興替於
絲人東渡有經公存司馬南山無史我作董狐野鳥啣
花向誰欲尋舊種神龜巢葉逢爾且問夙因三沐三薰
拈香已竟一觴一咏沾酒何妨共置丘壑之中不遊形
骸之外苾鞋布襪莫負平生白石清泉徑依淨土看攢
偃去知一室之已虛手拈再來欲衆山之皆響彌天法
座今日眞公

西林乾明寺重修增疏



東晉雙林莊嚴法界浮屠七級塞斷虛空頂上放光
廬雲峯九疊眼中出氣岷江雪浪千堆蓋永公清散之
風秋潭畱響故真師精嚴之戒春燄比暉曾聽虎頭徑
依香谷且看鷹背橫絕秀巖最上一乘自然有覺之正
位誰家樣子叵測無縫之真人慨夫道以時隆法繇世
替鞠爲茂艸月來空照禪心相彼叢林石上尚畱佛偈
寂若梁園泥諸蕭寺歸然魯殿只此全身欲向一層修
成腳根踏地須倩諸方扶起鼻孔撩天西北東南重轉
日輪形贈影青黃碧綠孤撐雲壑目憐心三徑泉林斬
求是堂文集

卷之十

二

新賓主六朝鐘梵依舊晨昏鶴塞僊人嘗題碑陰之碣
烏橋營主不乘道上之騎誰言別有門庭一簾水冷自
肯不落階級滿座雲殘喚塞喚通莫瞞十方眼見喝高
喝下直得三日耳聾妙萃天上散來紫金地中湧出大
方便望維詰居士眞擔當屬心月上人

募修廬山天池寺疏

大江之西名在廬阜是阜之北實維天池仙佛之所孕
靈峯壑之所甲秀人間見畫天府藏圖萬里雲幢波瀾
直隨湖上千枝鐙蓋的礫亂攪星迸泉聲廚前松聲牀

下苔痕杖底石痕梁間遇毛女而不言竟騎白鹿拜火
珠而得道可戲黃龍上有文殊之高臺以福慧裝五般
舍利下有忠定之專祀以忠孝芳一代蒸嘗逮至口告
太平行多異蹟進御則從石頭冷澗摘菖蒲一莖乘風
則在湖口戰船吹虱子三斗遂令銅鐘象鼓連綽楔於
上方且荷玉製龍文特勳屬乎貞珉神道設教雖陋封
禪之文王言如絲豈崇識緯之學原仗獄神呵護絕類
上聖之响嘯近爲山鬼挪揄頓忘列真之湯沐巋然古
殿僅剩靈光子爾殘僧尚餘處默叢生嫩蕨詩懷舊隱
求是堂文集

卷之十

三

能除亂長疎蘿瓢向新田不與國清智者身無地而何
耨天竺澄公腸塞光而敢滌置魚蠅以議蜺螭何亂則
然熱左傳以譚春秋顧劭乃爾旣無志大宇宙之檀越
須有宜置丘壑之騷人憐馬廐暫開難借市隱笑駝峯
乍出不畏山精示現祇樹一圍引入靈山九疊檀江州
五千君子共披高座之霞遠鴈門百二道人同飲上池
之水是所羨也豈不然乎山人息影枯株憐余髮之種
種尋盟寒石嘆秋艸之離離四岸冰霜惟有猿嘯三更
風雨絕無鷄鳴夜宿凌虛名闕悟大空之爲我朝叅無已

名僧欣耆舊之有人世上千萬緣如觀樅樹山中五十臘
只屑松花平物外之羊腸人忘其險執法中之牛耳道
在則尊以此中興何難末劫嗟乎天池尚矣新建方袂
扶搖之辭廬山高哉歐陽且鑿嶙峋之句特慚鄙引有
惡名賢

石生募田疏

石隱生公者擇勝居山奇峯羅足登壇說法頑石點頭
蒲團八面開全憑自家坐斷鉢孟兩度濕也要檀越施
來但得十畝田白蓮齊種期收數斛米黃菜並餐不同
求是堂文集

卷之十

四

煮石之勞殊勝買山而隱百尺樓上何妨賓主同牀三
世佛中自然慧命俱飽今朝道院風光餘瀝養馴山雀
異日祖宗田地大家勒轉水牛惟願種樹便成陰人天
胥慶只恐畫蘭不着土時勢較難開方便多門尋乾淨
一片縱橫三千世界只當芥子因緣供養五百辟支爭
如石頭長老特拈素抱爰告同心

廬山擲筆禪院募米疏

引竹注泉不分兩院鳴鐘會食欲共諸方埜鬼乞餒須
畱鉢底餘瀝山神送供不放燈下重來壞竈煨就芋魁

誰同下箸清池剩有荷葉獨許親膏檀越鳥餓依林尚
分香積蟲荒食稼正好雲施

江上大士閣疏

在關北穆
公祠後

大士特爲衆生恁般遊戲不居佛地別有津梁手眼雖
多何曾用着一箇塵沙不少偶爾噓了半聲縱放萬斛
雲埋菴不得隨拈一莖艸建刹已成須知住屋是主人
未嘗現身何世界潯陽江畔壯繆祠前赤伏藏符猶流
漢水白衣搖櫓不怨吳儂此老一代英靈當年三分事
業生天而後得也何難在人之中離之不可是以大家
求是堂文集

卷之十

五

有分莫把纓絡讓人立地無差只消絲粟輸已爲黃面
老子供養此菩薩替美髯丈夫莊嚴諸法相片石三生
記得雲峯九疊中流一葉任他雪浪千層慧性福性領
得來魚吹江沫忠根義根拔不去鴈帶夕陽鈴閣崢嶸
望拾遺隄邊楊柳漁舟欸乃舉開府樓外芙蓉共此良
辰爲一大事僕是病居士提動因緣君將見宰官奏成
法力

修廬山法堂疏

名山記裏我作臥遊選佛場中人爭及第須明正義乃

許卓菴升鹿何臺偶然畱景牯牛自嶺遮莫回頭昔日
講經頑石橫依几席老年擲筆秀峯矗起虛空薙茅於
以成堂拈花因而曰法西天月像面面皆同東晉風流
肩肩未已所以谷開錦繡上士含禪悅之香陰接大林
騷人鉏名利之蒼印苔文於砌上斑駁多奇洗竹杖於
潭邊重趺不借然幽磬猶折扣已無聲古塔未平掃焉
絕跡菴主餘不者十方眼見鴿逝畫存三日耳襲猿啼
淚缺發如是願願不毀爲成作平等觀觀對賓是主聖
亦不學無事空齋靈從何來放情破竈但求腳跟行李
求赴堂文集

卷之十

六

一宿粗聞便似胎息品蓮三生未染嶽神受戒不犯泣
露之枝木客吟詩且憐咽霜之羽公乃桑門弟子報如
來恩僕原粟里山人讀高僧傳八功德水灑向何方一
匡廬山抱有此恨登峯問路勸曳履以歸來納級升堂
且解衣而盤礴

廬山戒壇募米疏

香烈浸人鐺中煮石孤清攝衆飯裏和鍼或餌寒水魚
味船子風度或食肉邊菜秉曹溪道規又有薄荷大師
呈身異類懶殘和尚分煨宰官蓋食性不殊宗乘自一

豈能怠餐住版卻粒眠蒲者哉惜祿惟心雖辭國典參
禪倚律卽拒山神執絕躬耕權資乞食循茲遺教念彼
夙緣者也吾郡廬山佛門法窟擲筆峯下尊者握蛇說
戒壇邊道人喂鳥現胡現漢石鏡水懸渡已渡人鍊船
雲湧終難說食以飽必須借箸而籌適百里者聚糧况
斯千仞率數鍾兮一石是在十方以龍象作金湯上根
難及看鸚鵡成舍利殘粒可分山僧偃蹇林園崎嶇道
路入維摩之室閉口已知登龐老之堂饜頭何在鉢盂
舍衛振古無差芥子須彌自家有見祇信鼻撩天上坐
求是堂文集

卷之十

七

殺迷情何曾腳挂壁間笑生幻術檀越才賦二鳥且一
飽無時命載萬羊願不食是福稍減何肉淨土可成并
禁陶沽德水堪飲飯依七佛豈化身歟供養萬僧等常
食者辟病人得藥不覺體輕如男子飼孤自然乳腫待
炊短相仁曷及於桑門幸舍平原義方遊乎蓬戶試思
廩庾易概且念山澤難糴

徐氏祀火神疏

蓋聞東里任心能明天道之遠中壘尚數適滋洪範之
謬故記雖難以搜神而論又不可無鬼鶉火之次是應

農祥祝融有峯夏接廬嶽南方載在祀典夏令豈無憇
行是以蔡順淳仁一言越舍劉昆懿政再拜反風史冊
炳然下民顛若災不自作穰惟人傳吾鄉布衣徐啟明
古之獨行市有君子譜由太末食舊德於王家居介句
容觀宸光於帝里高曾模楷世寶青紉祖父中庸間交
白墮鼓柅木蘭洲下卜居琵琶亭邊老遂菟裘情眺鹿
苑於茲三世己非寓公縱不五湖居然達者閱朝市之
易滿身敢辭勞嘆晚節之難芳妻幸偕隱犬聲如豹似
淮南之雲中麴帶涎龍儼月支之航上女子知不一價
求是堂文集

卷之十

八

長者未名一錢下車星奏東行叩扃雷聞百里燕雀乖
處恒依大厦鶴鷄一枝絕類長房乃者占屬熊來何關
闔僮夢偕馬舞特告幽貞是以降共焦頭未與恩博陸
之疏官且明目寧資賀柳州之文愛我有人畏我有人
徐公洵美一斗亦醉一石亦醉髡也何慙欲將煨燼之
餘特敬沐浴而禱匹夫小善可以回天十載寃圖於焉
擇地爰弭警蹕之節靖此朱方不借霹靂之車綏於下
國誰爲赤鬼同鎖支祈代有燧人配宗炎帝豈徒報德
樹豐氓於麗梁兼欲廣仁徵陋章於烏邑丹淵有集未

鄙裨官黃離在中殊稱文秩薦不磨細蠲北谿毛亨斯
協忱介以景福人間稼穡長聽豫章之譚天上麒麟武
摩孝穆之頂

爲仲子徵遠十五歲供佛疏

弟子年方及艾質戛似蒲鬚髯皓然衣冠拓落學仕學
隱乃兩譏乎爲釋爲儒無一可者中宵自省皎日相期
四十九年非空花陽燄四萬八千偈山色溪聲只五蘊
空是安心法持三不惑爲卻老方稽首大慈遍體廣照
又弟子仲男徵遠法名佛如天質淳和身體羸弱齡已
求是堂文集

卷之十

九

十五病則三年仰諸佛之護持俾小子以安吉僧衣一
襲名曰酬恩佛供全筵聊爲懺罪爰結法侶布告山靈
父類王維襲居士名於摩詰子豈蘇迨躋比丘身於辦
才伏願三世夙因四代書種變豚犬品作龍象威庶幾
一壑一丘安此癡頑老子允矣無災無難任他愚魯兒
童

送東林淨業堂僧山鐸葵方疏

蓋生願一方淨山河地德承三世燦日月星唯遠法師
是大宗匠旣喜譚易枿鍾應於銅山又能注詩映壺光

於水水文人習氣戲繪江淮之圖道者風流病成匡廬
之癖夙因儼若或是宗雷往蹟翳如誰疑谿月適逢山
鐸欲振林風二六時坐禪辨如鷺子五百年護法威想
鴈門蓮葉重開香可逆風而嗅籃輿偶過泉偕瀑雪而
聞靜得輕安誓及心空之第狂將止歇夢封勸學之侯
相許箇中隨他不肯結交方外從子以遊漫去譯經手
持智杖歸來掃塔心印鑰匙石鏡孤懸五味諸方莫尋
影子水簾長煮一言半偈且顧鑄兒渠是盧能白社中
亦有六祖我非張拙青山外不無七賢也學叅宗移花
求是堂文集

卷之十

十

兼烏至聊歌招隱買石帶雲來亭上譚譚聰明振古橋
邊笑笑寂莫從今非公踏破芭屨尋着此事連我放開
竹筥錯了半生到離垢園只消濯足入極樂國何必攢
眉

大蓮院募前殿疏

法窟素號西江風流馬祖道人多棲南阜星聚鴈門欲
續五鐙清規不少還拈三笑淨土無多洗墨池邊尚畱
戒壇一石擲筆峯下止有破屋數間龍蛇卻可實生大
家作務聖凡都能絕跡小乘還嘆近日神通共驅破籠

十人愿力陡欲卓菴火裏生蓮華笑倒一時外道溪上
流麻飯迷來百丈中峯如覩佛光松松摩頂不關人力
艸艸發心將尺五天振開拄杖向方丈地鋪滿袈裟周
易譚餘正好竹簾看水過涅槃注就何妨花徑抱雲眠

廬山白龍菴募疏

峯下安牀雲原是幕潭邊洗鉢石亦成厨祇疑龍性難
馴遂畏獅音不吼隨他變化小小大大皆身負此虛空
山山溪溪沒影一條白纜安入雷琴半塊冰梳閒藏月
奩因緣時節畧點眼睛遊戲神通不爭鱗爪天上法王
求是堂文集

卷之十

十一

威神得全胸開古佛巖中衲子簡點不出腦付胡僧將
懸鉢歇狂豎起拂子可覓珠安隱奪卻瓶兒路不崎嶇
菴須明白上人昌起欲扇宗風小院匡廬頓輝覺日蒼
黃衆色隨有種處辨來霹靂一聲向無漏中徹去偶然
示現依舊溪山卓爾布施斬新精舍

隱安募疏

喚作客行恁般安隱高峯頂上取艸一莖頑石頭邊漚
麻半畝饑卽吃飽卽休那聞灌漢殺人刀活人劍都是
天魔誰家有布施放下着這裏無功德捉起來

廬山一峽菴募疏

廬山雙劍峯下半菴插清漢而欲凌收白雲以爲匣擊
開暗室畱此一鐙斬斷情城看他諸賊入人而人不覺
笑提我何爲招客而客俱來嘆此篇尚在名都拭土化
青蛇以飛逸士御風鎮黃龍不去六如弟子九派良家
行已在儒俠之間解原姓郭爲人求福慧之地俗只廬
匡一有擔來不忌祖杖兩手放下寧但屠刀谷口雲濺
偶然拾葉石頭路滑漫爾誅茆化身報身以及法身住
非過客多足一足以至無足犯豈戒壇納小須彌欺道
求是堂文集

卷之十

十三

人買山不得志大宇宙愧居士求郡未能乞我一絲二
絲如來難繡任他觸竹背竹此去易勘自己承當一身
安隱大家扶起百堵具興街上掣風顛妙莊嚴踏菴中
圖明白眞秀媚天任寶掌千年誰同說法吹劍首一峽
日有知音

廬山白雲菴募米供僧疏

廬山白雲端禪師孤峯一點壑判陰晴大海千層洋分
黑白踏破了腳跟落地嗅着時鼻孔撩天任共石牀平
展開臥具待連鑊船滿撐去虛空雖然谷口攢生祇堪

活埋和尚龍頭亂出爭能具飽衆僧天女散花不如香
積山神送供也累苾芻若成衆姓善緣還靠我家應器
肉呵何亂是在可賒米損却超何妨有待煮砂而成嘉
饌難薦腴腸畫餅以療調饑易恣齒冷是以鳥隨板下
餘粒尚分龍寓潭遊素齋曾與三江港上千帆影船似
蝶來九疊屏中一線天人如蟻度金剛氣色泉石光輝
任他登壇正可提拂如不畜室何必吞鍼百斛胡奴欲
強我而不得五斗陶令卽施若其奚從但以卮言喚醒
賣菜傭亦能了了便從梵響聞去是穀翁自不期期是
求是堂文集

卷之十

十三

法皆亾未敢遽云功德無義可立那得遂負如來

修萬壽宮玉皇殿疏

尊其然乎天爲有形之大遐不謂矣帝乃無得而名明
堂上配之文幾於肖相穆考昭事之什豈曰維心推世
金輪助自西竺修立玉格盛在南方設天問於楚些嫌
當關之虎豹迎神光於秦時疑大澤之蛇龍九江王都
名在水國三天子障號列山經漢禱宮亭魚浪吹分風
之令唐夢採訪鳥陣傳移地之旗秩及無文狄梁公所
未能議祀列玄武孔御史亦何致嗔既有其舉之寧過

而存也况經念亂留此靡騁之身猶望祝釐希茲並受
之福雖曾得句髮霜短而首頓搔不敢作箋被水吟而
足時出飛來瑤石室中幻白玉之樓浮到櫻梅城上映
赤霞之壁潯陽父老幸荷天幘幘朝宁鉅公宜在帝左

右

修烟水亭疏

匡廬秀甲天下郡擁其全烟水滄足湖中亭據而勝江
天自遠樹低刺史之隄郊野相臨茅接微君之屋鴛眠
春暖綠縹沙汀漁唱月明紅懸浦激百雉望而如見近
來是堂文集

卷之十

十四

代旌旄于帆過而不來他家簫鼓儻比明聖豈惟塔影
雙峯若置金焦寧但鐘聲兩岸周夫子濂溪卜宅到郡
則莞爾徜徉呂逸人瀟湘飛渡望亭且塔焉容與瓠樽
彥集何物親人風雅代存自今作古抱關仙吏私設醅
鄉專闢雄侯樂遊水國或當令節楚豈拙於優倡自有
清暉吳可埋平花柳擊觴而襍上已莫是宜焉躡履而
遊斜川方斯劣矣韋公藥圃既無以同民白氏艸堂更
碍於離廨居然山水只在几席之前雅意樓臺何惜刀
錐之末遇民和而築豐樂賴有高文搆賓從以宴優開

應無淺與偶書國乘跌龜尚寄穹碑聊代僧言蒼鼠何
容古丸

募修能仁寺大雄寶殿疏

蓋聞是生羣彙具足圓通凡涉有爲卽凶功德懷功德
庶幾之安索圓通彷彿之眞既滑乎中夏假於外辟矧
煮砂作飯畢竟難成若願出土爲空一切須捨西江烟
波渡上片片蓮航南阜雲霧窟中層層雲座爰歸我佛
是號能仁僧到赤烏宣慧風於漢甸經來白馬湧浪曜
於吳江未散五鐙先疑九派船浮海上共驚鑰石之奇
求是堂文集 卷之十 十五

鈴響塔邊忽現紫金之色建利竿而移丈六鐙爾地鳴
經劫火而屈百千儼然天監嗣後黃梅盛席曾自渡以
傳衣開先白雲禪師更上堂以豎拂江州佛法信手拈
來居士禪宗一口吸盡良有以也豈不然哉茲者雀啄
空城竟無遺粟狐號白晝多產棘荆尋庾道規之塵談
了不可得臥陶元亮於馬廐亦何忍聞岐路徘徊晉桃
源之津已閉百靈呵護魯靈光之殿猶存仰觀六朝錢
僧已少俯視一氣夕陽何多疲于津梁雖未似臥龍之
無首支此大厦尚可容飛蠹之傷心現宰官身莫匪梅

檀施主說處士法盡是金粟如來心固在本來明亦須
祇舍法不因世界壞自有化城與其封勸學侯不如及
空心第餐匡山之秀色畫鶴遶梁架岷浪之巨浸青虬
依岸輓轆古井飛錫猶傳欸乃新帆夜鐘未泯儻來百
斛寧有待之爲煩任是五銖豈無神之作論督斯役者
自非孤掌以鳴苟欲舉之諒可衆擎而就山河大地將
等漚泡於滄溟水火刀兵應銷殺氛於日月無功德之
功德棗葉鍼鋒不圓通之圓通窰瓶淨水具瞻三世普
告十方

求是堂文集

卷之十

十六

廬山缺谷菴募疏

缺谷菴者熟也龍飛空畱古冶生也豹甜暗薦新塲可
去磨鍼許通一線莫來鑄錯翻悞四洲宦隱錚錚叢林
法器廬菴硤硤夙世因緣似水動天鏽船乍過如漆光
古寶鏡重開米芾一點濃來去衆香國裏崑崙十挺墨
縱橫普眼堂中是大金剛神原真清淨地蜀錢任意便
是明施并剪同情何如快事

廬山高良寺募疏

僧隆運募修廬山高良寺者是寺也雨鬢風髮將崩折

之象吳頭楚尾實都會之區不有扶之其何毅也遠公
自東晉橫出此一枝馬祖來西江曾投彼三宿是名法
窟窟中應有獅兒原號選場場下豈無鶴子柰何殘僧
亦少木魚不聞遶莫古碣猶多石龜共見今發廣大願
破甕前現出聖靈共作懽喜施托鉢後討箇消息疑者
不信信者不疑叅若真叅功須平實悟如真悟證。俟高
良

青岫寺募疏

猶子式遠讀書青岫寺爲寺僧乞募疏者聲聞裏無上
求是堂文集

卷之十

十七

上乘讀書何似山水間作非非想把筆也難卻憐持鉢
是貧兒莫道得法無多了藹藹終夕請看白雲落落秋
天試問青岫青岫作女人拜白雲講老婆禪搖扇一搖
過了趙州關去轉輪半轉打回兜率院來自愧平生不
能得力特勸善信莫枉用心是鄉多章甫縫掖之儒夙
因不昧今歲無水旱盜賊之事餘力可施休道懶瓚化
城未就任爲顛米淨土知歸

城南舍利寺募疏

近在九江內遠僅四紀間從廢井荒蹊曾見艸樹之一

寺集墳園委巷又化瓦礫之畝宮豈料桑田卽在榆社
去家百步幡影如連望嶽數峯鐘聲何往舍利子康僧
盤裏非色非空古先生丹霞手中不濡不熱竟無兩笠
蓋頂寧有露柱生兒老僧種豆種麻幸開一片乾淨地
居士說花說果引入十方歡喜天轉輪閣上藏書半遺
姓字輓轡井中出史全是文章不能手撒懸崖自生灑
脫那得心空及第共上圈園雖一替一興終同山河隕
滅然千劫千佛乃向日月證明公是優曇花花香外元
無迷蝶公是梅檀樹樹蔭邊豈有戰鶴莫唱廬山高只
求是堂文集

卷之十

十

尋塔縫且吸西江水聊豎利竿

廬山赧封寺合食疏

四仙人人間遊戲爲告太平一大事
事外因緣豈同小可自赤腳入塔無縫者三百年
嗣石頭靜卷禪師登壇有種

者四五葉鳥鳴而山斯寂龍去則淵不靈一旦道場不

聞雷震數間瓦屋止許霞封大腹銅軀公然脫化無心

銀杏高寄蕭條竹筧水來供幾家之烟火松搖雲落濕

各院之鼓鐘聚似蜂房和非鶴衆幸逢大士同結苾芻

爰發真心共成蘭若欲洗腸以塞照如開掌而還珠命

具萬羊且以不食是福半聯百犬尚謂同居爲賢香積
成厨何難千指道安姓釋不是兩家豈得飛過飛還驚
看鴨子寧勞顧左顧右錯斬貓兒作多想於曇花具自
然食安餘生於荷葉聽平等施竿可卓菴簇新佛土鈴
猶解語依舊天山諸道人遊石門試望雙如來像涌出
老居士過竹院曾書四菩薩板歸來

廬山將軍河菴主募米疏

蓋聞峯號丈人匪叶師貞之吉河名太史詎傳耀德之
書乃匡俗做廬亞尊五岳有將軍古澗爭悍九江亘似
求是堂文集

卷之十

十九

龍騰不數巨靈擎石平如鷺掌亦稱小有洞天符載齋
傍沈槍尚畱年歲岳珂屋後玉盆終出人間想大樹依
人偶勒銘神禹之壁或玉門未老仍扳髯漢王之峯嘆
嫖騎無家山中露宿幸樓船有水波底月澄溪可跼鳶
稜稜下馬囊之淚石能射虎巖巖寒猿臂之心開士息
名卓菴斯岫青泉白石樂聞上士之吼獅野艸閒花愁
聽前朝之戰馬追廬能於嶺上不爲衣來迎道旻於寺
中寧能死怕以真勇猛直取上將之頭用大慈悲橫鎖
毒龍之足楊枝瓶裏雖飲疏勒之泉貝葉林中未據成

臯之粟論佛法活人劍不妨殺人刀評將才量我沙何
似聚我米供衆人天等飼飛鳥始堪入座拜諸佛祖如
呼小兒方許登壇

廬山浮橋寺募地藏堂疏

匡俗舊廬分風湖北浮橋古院居慧日寺東坐一天
竺先生七賢肩背相望增茲地藏主者九子面目如存
雲海滄茫誰知彼岸津梁高峻只在此山任是聖來凡
來行不畱跡何疑師渡自渡默詎容聲霞映彩虹共訝
平空鳥道雷鳴瀑水具驚半壁龍城路縱滑如石頭也
求是堂文集

卷之十

二十

須從這裏過嶺能熟似梅子那許數他家珍步步掀開
方喚死心實地層層踏着卻談撒手懸崖石鏡照時千
峯含影鏡船撐處萬古澄波一氣呵成此外無縫兩頭
坐斷其中自空數百數千月在潭仍在是一是二橋流
水不流像現黃金占有袈裟角地飯和自土問取新羅
國僧借山水作禪供覺初開士施文章爲佛事摩詰道
人

廬山仰天坪雲中寺募疏

廬山居天上尚有仰天之坪天坪在雲中猶有依雲之

寺年維慶曆張相國忽作宗雷跡做齊梁敬法師因紹
慧日中宵藉艸授戒嶽神白晝驅風吟詩木客孤峯一
念雙足十年提老僧之不見不開勘破籠之何靈何聖
遂使壑中流笕隨虎嘯以俱凌屋上重茅屬鵬搏而不
動霞蒸傑閣舖滿袈裟石壓危梁响通鐘鼓七賢五老
逸邈而來半偈全經森羅不住松聲和唱直逼梵天雨
縷帶痕橫生綿海網潭底之古佛苔眼方開揖石門之
道人揮手便去概非死繫笑煖氣之全無菴可活埋嘆
太空之何有這一片地如清淨王身曾幾何時化缺陷
求 是堂文集 卷之十 三

云爾

薦福寺中元壇疏

蓋商聲至物類悲鬼宿明佛法盛故懷捨孕乎羣感而
相憫稟茲憚靈也離走啣芝尚呼同侶鳴飛駁羽猶悼
故鄉曩長夜之悠悠寧不向白日而泣聞新秋之嘒嘒
忍勿瞻廢壠而思矧佩薜蘿郡多山鬼况嬰鋒刃家有
團鴛萃文被兮霧縠廁兮神雖不辱用物宏矣取精多
矣厲亦能強鼓吹蟬之輕疎梧正落似食蛙之瘦若木
難除弄月吟風安之斯隱登山臨水送且何歸如南面
王自有樂地必西方聖乃解歌時是飯香是梅檀香輕
嘗未可爲佛影爲菩薩影不怖方知喚有因緣獲經一
求是堂文集 卷之十 三十一

且辨婆心

修東嶽廟疏

江漢西來衝廬南駐漢詔懸於天子之障禹篆鐫在神
筓之峯覽古輿圖星躔分域載今祀典玉帛不同豈膚
寸之雲適於天下且梁父之詠遠在隆中故君長九江
臣心似水而兄事五嶽廟貌如穹或因魂夢之遊鷄號
方覺或信死生之注鹿脯思陳以致判官私學於人間
從騎頻臨於日觀太守一稱生孔門闕闕之請文園不

起留茂陵封禪之譏嗟乎白雀闔門劉翁徘徊於瘴里
金牛渡水世祖威儀於錦城置其然乎神所勞矣或云
夏啟表爲東明之公又述展禽越在青部之治蓋祭義
焉可誣也乃左傳有其舉之茲者灌井浪生空醞桑落
之酒庾樓月墮莫辨木蘭之洲名嶽降靈節度多追申
甫神道設教良材每出豫章上華祝於朔庭近連簪嶺
畱高呼於南紀遠接栢梁有此崇修應爲廣募

普潤菴修路疏

爲法來渡江問路吃茶去擇地卓菴一方便門乍駭化
求是堂文集

卷之十

三

城之近入功德水徐驚淨土之新祇樹息陰畱茲朽木
僧號莎羅變質哀彼泥塗車鞿麟馬蕭蕭看破奔波衆業

竹翠翠花鬱鬱現成清淨法身莫愛磚磨須尋大道何
愁石滑只認此山或問陸來水來且初歡喜或思休處
歇處更妙莊嚴賴衆梅檀舒香象之神力剪羣荆棘制
毒龍之險心白練一條家家自長安透青楓千引譯譯
連西域通不禁夜行任從日往風顛漢正眠十字街頭
驀直婆漫住三叉道口真是白鷄徑出似從青髓岩開
爲結善緣特占短疏

悅安隱募疏

廬山之奇秀在山陰石澗之蒼幽居澗左千尋之竹影
落秋潭五鬣之松鱗生春谷有精舍名悅安隱乃道人
號初逕師方外結交雅同三笑雲中畱窟儼似六朝或
長嘯一聲林木俱振或靜趺半榻庭花自閒詩則湯惠
休畫亦王摩詰秀婚精進猶願卓明白之庵眞實因緣
不敢輪悄然之屐泥封白豕手提西域梵文鈔棄青龍
心折南方魔子不消饒舌必見普賢文殊況有同行居
然天親無着是聞幡動可畱鉢底龍涎非爲衣來湏喚
求是堂文集

卷之十

十

夢中鷄足一瓢一笠漫學康僧三疊三林尚懷遠祖先
圖佛事自利利他因築法堂從同同古送供不送供自
是戲論生天不生天何關慧業依山雲爲佛影久矣放
無畏光明假江水作津梁歸哉現不疲神力聊成短疏
代送長干

古壁結廬山半雲菴募疏

廬山古壁者策平鼻孔千酸萬疼齊來剔起眉毛一級
半階都絕捏作千人石可是卽心非心壓低五老峰漫
談有過無過一尊古佛未曾安名千劫全身最善說法

南方知識多窟此山濟北兒孫竟襲斯號欲現滿月之
相須營牛雲之菴之雲也埋鼓濕鐘平幢陟檜雖勤掃
而難淨不須種而自生海日初紅射朶綿於璇室江風
迥白驅片縷於瑤宮無一本來可堪摸捉有些消息尚
許往還喝則那榜則那那識輕重登不得眠不得得關
災祥須辨主賓歷然東堂會與西堂撕打卻提因果不
昧今日難瞞昨日根苗枝多葉多依舊石門文字休去
欵公頗新智者止觀莖艸若成圈蒲瀕掛友風子雨苟
蘭陵之賦可賡漱石枕流陶弘景之隣可卜買山而隱
求是堂文集 卷之十 三

九江東門關壯繆祠募疏

蓋何處是心指天誓日絕倫如髯歷塊追風失恨吞吳
將伯竟忘赤壁逆流溯漢同仇忍許白衣遂令高祖世
祖之經營運艱四百徒煩豫州益州之奔走功蹶三分
天實爲之豈繇人力神所勞矣惟恃孤忠無可奈何耶
歸佛法絕不相諒加謚帝王故異代之雨旄風旗天中
陟降而精爽於山猿水箐海外流通矧在九江尤宜虎
視每觀兩漢竊嘆龍爭氣盡東南孫伯符久矣不作壘

連江楚呂師夔近也彌多蓋世英雄自然悲辭慷慨瞻
公廟貌寧不仔細思量夜聞馬嘶望先陵而啜泣曉占
烏巢竄古堯而增懷想共食之君臣永安宮何在憶定
謀於水陸柴桑寨尚存歆食於茲人重明德崇修以後
代弼季興椒萸麥招儼如大夫之初死酒澆絲繡望似
公子之重生大義不磨童婦皆慰羣情旣赴紳士尤欽

香爐峯禪院募疏

蓋意遠蓮社坐擁山峰而樂天艸堂俯矚瀑水稽之形
勝固甲秀匡廬攻厥圖經多探奇江漢禪鋒旣接法窟
求是堂文集

卷之十

真

懸空岫矗白雲似花幢草座昔石門開士安隱是中而
楚國中丞現身爲法鑿開三徑莊嚴蘿蔔小園拂辨五
宗清淨栴檀精舍夢雙輪轉日有此擔當笑微扇過關
不煩疑二世傳轉語余景先行頃馬祖兒孫尚有踏人
之氣龐家父子更多呵佛之材欲葺舊廬種松是急特
瞻新主損米爲煩家有藏書可攜來石上讀寺仍遺愛
寧泛去史中觀

天翠井菴募疏

匡廬之麓浮碧九江東北之隅積青百仞山居艮位應
孕巒岫之靈井散天花況通江湖之氣半清半濁變似
滄浪或赤或黃瑞如舍魯斯固金僊選地易於放毫木
客驅風難爲洗耳者也慨雒陽文石旣馬鬣之徒分建
業兩臺寧蟬緩而尚酌攬三車爲酥酪飲之者甘等五
葉於溜澠辨之者晰并能說法山自卓菴故代任滄田
而僧終雲霧但幽岑晏起已寒橘柚之煙空谷晚涼更
落梧桐之葉却嘉賓之損米不爽單道開之煮石謂何
月底輓轡恐有黃武之舡片村中俎豆便同太元之漁
求是堂文集

卷之十

七

人時則豐年願成佛事社爲淨土期保華心

美如上人募疏

美如上人者產由名族英發幼年尋堞罹凶爰焚白氈
信州受具遂染淄裘卻食如單道開不言入維摩詰空
林踏過欲飛錫於廬山莖艸擎回方乞貴於灑水居士
聞之合十祝且至三日美如勉之哉寂寂大林嶽老振
楊岐之席荒荒勝果宗公扇曹洞之風胥是吾鄉匪來
天竺居然近侶不乏地靈人人能開口吸西江何疑馬
祖者者自肉身現東土寧遊鴈門絕壁懸崖瀕圖作佛

淫街酒肆且去調心

潭影上人募疏

禪院幽棲每凌鳥道化身肆應輒現龍神在風波之中
接來彼岸破虛空之後踏着此崖以怖兆誠因悲生智
辟如兩火相續匪耀自他不湏一筏孤橫得度仍我茲
者津通八里地隸九江宮屬馮夷爲潛爲沱之號位加
訖鐸非神非人之稱維賀相國舟東山之布帆無恙受
酥法師戒南嶽之移對依然要試一靈能成千佛凡茲
蓬戶尚畏多途沉在桑門不循初地上人潭影者行方

求是堂文集

卷之十

三

孤迥年亦妙齡秋潦旣清坐淪月觀廬峰更峻望似雷
音破笠已捐畱在遵鴻渚上新茅將建卜近養鹿池遠
鐘聲聞如尚覓安心之楔史巫紛若已辭設教之筌僕
誠善之翩翩乎濁世之佳衲子何圖也適適然西方之
美人

三官殿中元疏

鶴問湖北爰有仙宮龍開渡西遂興勝會法將薦厲騷
以招覓名山三百六區廬山甲秀鬼官七十五品地官
灑災運在下元別生甲子崇由尸伏常守庚申耐犯宥

主生紂絕宮主虎晝夜而通連山易能止歸藏易能飛
乾坤不毀薜蘿而被山鬼椒漿以報國殤玉勅儀曹頰
歲省蓐收之令金塗佛舍尚戶譚焰口之經名在青書
赤書未逢玄霜絳雪情如銅匱石匱徒負星磬雲鐘故
欲拔三界之人天湏修福慧而願救千生之父母更上
清微稍損金錢器名撲滿共期銀漢義實觀空

馬王廟元旦募千佛懺疏

泥馬入河露柱拊掌金師出窟頑石點頭蓋心生則萬
法具生而性寂斯纖塵併寂故衆生世界窻內各喚猩
求 是堂文集 卷之十 无
猥干佛名經壇中自應呼咩茲者藉悲憫懺悔假時節
因緣當下放屠刀湏要心死隔房聞釵釧豈在耳聾春
日遲遲見桃花而可笑江流浩浩乘蘆葉以何之一到
選場宗風未泯纔開疑陣罪性元空

廬山天池募疏

蓋廬山之有天池也如人之有眉目如室之有堂皇眉
目動而娥嬀生得之天矣堂皇成則莊嚴具資以物乎
鐵瓦鱗鱗雖藏六月之雪崖松鬣鬣尚散九枝之燈妙
寂文殊久眠苔蘚風顛僊子遙泛菖蒲以如帶之九江

帆分上下看若拳之三楚嵐曳東西天際神宮僅畱滴
水江南法窟徒羨名山高座峻嶒王氏之猪未敗溪潭
浮深葉公之龍且驚爲禪德之指不伸繇宰官之身未
現磨磚作鏡寧不生疑壓沙取油祇堪資笑所以塔絲
如練幻斗大之蜘蛛山景似魁跳門高之罔兩艸溪一
丈誰與薙之雲積千堆自爲怡爾入萬四千偈一夜空
召溪山三百六十巖九屏也孤錦繡同心恍惜幸大厦
之可支一味模糊哀中流之何砥情城想國移智慧於
林泉骨山肉人俟因緣於時節卧雲深處何必朝天看
求是堂文集

卷之十

三十

火爆場自然動地關能過去去後亦是等開籠可盛來
來前須煩安置辨機辨用那得大蟲如壁如牆愛其神
駿斯則金粟如來之門不二而梅檀大士之窻六通者
乎爰入堂皇與雲峰而拱揖式瞻矚目臨絕壑以灑洋
天池之不涇也將必有遇於君子

南昌鄉覺明寺募疏

是寺也介在兩邑之間宅於羣山之麓傳來唐宋蓋建
立者多年號放覺明猶因緣乎大夢想無法器徒聲接
彼野十應有護持幸跡空茲市駟社燈與村鼓父老頗

樂太平僧舍共佛幢進來雅稱淨土故尋常竹院最好
偷閒而荏苒麥秋不難喜捨近者郡邑兵火禍逮山林
田園荒蕪殘餘菴刹青巒懸壁居然祇對之林白月到
池寂爾袈裝之影鐘已盜於冶氏未死偷心竿更建於
檀叢仍通風慧片時有種何患不生歷劫無明自然守
斷以粒粒辛苦分少許於盤中將層層設施合高尖於
塔土更新懺悔金得豈但生天依舊莊嚴石梯何曾入
地巡請知識或吹布毛以待師兒廣開道塲或踏腳跟
而勸狗子卽心可了那管盧祖是馬祖非無佛稱尊不
求是堂文集

卷之十

三

嫌鎮州來趙州去願如是發長者多金粟身功已垂成
宰官現龍象力德翼境朔數畝遠幸比隣蹉跎一生每
慚捨宅田間策蹇便望度於津梁佃客烹鮮殊煩議乎
食品樂向諸賢之後提起幞頭勉題小疏於前當作塵
尾

重修太平興國宮疏

維九江郡第八洞天神界怒臻匡廬甲東南之秀真人
偕列崑崙爲天地之齊夢入開元使分採訪勅來興國
材藉寢宮象圖之喜林樂林常欣梵近猴嶺之石匱銅

置不許塵窺得一以貞方躋聖位試三不過僅得仙人
聽石而來仲倫易踏清響尋香而至王華難辭俗容豈
號龍胎聊名鵬冠所以三生血在必問胡蘆五臟空懸
應駭灰袋驅羊牧豕外道神通戲玉美珠少年狡獪誰
米眞藥祇食九鼎之魚自遊上清仍剛五芝之蠹赤城
爲魄絳闕爲魂爲者匪他耐犯主生紂絕主死主仍自
我岩前白雲子似勝青錢洞裏紅琅玕如摘蒼耳何山
方丈只此員嶠一線石門潛通入蜀之路千家井里明
廠避秦之源煨芋爐邊詩題甲子種桃道上錄守夷申
求是堂文集

卷之十

三

白玉蟾棲息多年超超玄箸劉子羽提舉一路浩浩江
流極目重霄未飛許遜之宅回頭滄海忽此蔡經之家
座攄黑狐玉漱何在瓦竄蒼鼠石乳不流塔被霆轟盤
蛇神於虎道殿從雲繞拋鶴字於鼉峰艸不薙而自鋤
信如青鳥鐘未鳴而胥聽報豈赤鱗五千眞言遙看東
氣八百弟子近識西江鐙煮乾坤文武湏勺火候壺函
日月春秋自寫星書青竹未騎且乘不借赤刀如化願
佩良非五色排空崑尋天上之煉石三彭退舍豈畏人
間之辱金舉國忽然若狂蜉蝣江上玉清輾爾而笑雞

大雷中電吏雷丁茲爲治所風旗雨旛直接宮亭郡有
賦熊之君邑多飛鳧之宰門下皆爲名士何妨砍荻汲
泉觀中卽是神仙自可伐毛洗髓能容崔曙長傍曉巖
不侮劉根暫依城郭持風狸之杖今日艸茅守糞犢之
舟何年封禪米珠薪桂特布朱提闕玉臺瓊同持青簡

汀州上杭縣補陀山募請藏經序

登巖居士肩籃栗里拄杖芝山將乞食於故人言辭頗
拙乃僑居於荒寺安隱机迥遙接禪于巨顛者年尚冲
齡質尤法器秀媚精進豈滯義於當機妙喜吉祥應發
求是堂文集 卷之十 三

光於半夜自述曾借不借已受軍持遠別補陀舊山轉
頭換腦則失特參靈巖此老瞬目揚眉作麼且反入閻
更問津於佛國耶棲雙徑故假道於經文居士以爲法
惟一心文則三藏千迂萬曲依然徑直之言半偈全章
不隔絲毫而見泥牛圖去貝葉雲輕白馬馱來蘆花雪
散若同食僊字之蠹註腳終年空顛穿故紙之蜂出頭
何日須知焚鈔切忌守基上人行過虎丘止息爲水二
十年去郡人或偶思三千里請經子無他志竹看瑤函
秘笈掩映飛來之峰翻如金簡赤文成靈寔委之洞矣

饒州永福寺募修觀音堂疏

蓋聞如涉有爲自無功德但能從入應獲圓通然有爲而不恃爲初祖豈呵從入而或滯入大士難誘故世間法卽出世間法水原合跡而比丘身湏現比丘身針自投芥天人若擁寧見有待爲煩古佛重生灼然無義可立以無義而希有待將不假而和自然若強人施譬如勸之飲愈不飲矣設擇人說譬如驚其眠遂不眠哉卽心非心億萬心不過信心慈面威面十二面湏識正面狹陷世界不妨化作琉璃粉碎空虛何可堆成荆棘拈

來是堂文集

卷之十

三

楊枝於震旦專爲音聞掬潮水於軍持另開手眼弟子齋居永福之寺徒袁錫泉坐觀觀音此堂未供瓊珞旣風雨不蔽空憐舊窳塔波泥日月如流妄想新阿蘭若道乎如生之筆不止廢屠慈聖不朽之碑更將墮淚越茲各郡元現竹林兼有聞人夙生金粟將見贛州片地割南海之奇峰魚籃半天飛西昌之瑞靄斯梵僧無量所以佛前發誓風動幡動不爭客卽求支陸來船來都問言曾喜捨亦號情多遇卽良緣何慚道少

廬山長壽菴募米飯僧號

廬山長壽菴者雖無千年之寶掌卻近五老之奇峰表
是水田殊乏可耕之地居隣山鬼反多乞法之人是聖
是凡來則不拒卽心卽佛餓亦不能故有待爲煩聊亦
爾爾弗求胡獲未免勞勞長者之家稍載鷄鶩之粟粒
大有之歲易作龍象之梅檀危坐鳥窠長吹布毛而不
惑更參牛首偶輟神供以何疑將見新香積厨頓聞三
昧之法舊雲霧窟仍住六朝之僧矣

重修東林神運殿募疏

江州東林者泉未歇聰明懸空流注山不遮情淨曠劫
求是堂文集

卷之十

五

昭回法眼宗乘雖隨閃石火擊電光而去肉身菩薩仍
伴窺孤雲照皓月而來二千里金文殊陶侃網從南海
法其興乎五百尊鐵羅漢曹翰運造潁州寺將廢矣運
匠神木鬼亦相向擲揄建少佛幢人應其爲悲憫前有
開士襲大柳以中興後無宰官作長城之外護是以蓮
花漏歇雖沾酒而難邀入社之英貝葉經飛縱供香而
易散遠峰之瑞徒學有爲功德何異梁會通老翁幸開
無垢門庭猶懷晉義熙甲子茲者二大比丘鐸公智在
隱公智建以奇特事爲莊嚴遊戲三昧權現鵝身以平

等觀爲精進擺脫六塵久成龍子掃石門文字對人不
假一言坐塔院雲泉出世惟知三笑然載懸鐘鼓旣爲
有主之招提方着袈裟豈容無事之長老苟同鷗鳥何
妨上石虎之車若護獅王亦應翻銅雀之瓦作一宋活
計幾尺蒲或可安身爲一代津梁數條篾何堪束肚居
者旣以導師自任化生荆棘叢林爲栴檀叢林行者旣
以乞士相扶須知給孤獨長者卽金粟長者三千古佛
會匡廬而現鷲山十八高賢從淨業而成鹿苑經馱白
馬夢西域之神人不思議日鈔燬青龍滅南方之魔子
求是堂文集

卷之十

三

更羨楚風噫野菊重新莫負森羅萬象大梅久熟請看
橫出一枝是所望二大比丘之有造於東林也乎

西林修塔疏

爰聞東晉已建西林葢蕭散之風並高白社而綿繡之
谷孤對青峰以百尺之浮屠作九江之重鎮叢林說法
送僧梵而連雲舍利放光邀佛燈而過水散多天女花
滿繩床棲少夜又苔平石榻慨大法之隆替各有其時
而同時之盛衰又分乎黨法師明德如一公固中興之
龍象禪師清標似巖老亦特起之獅王於佛有功若然

一父之子與世無間漫比敵國之人以致祥隱法堂不
聞塗毒之鼓禍延寶塔共見怒燦之灰天則何尤人之
不淑茲者心宗上人從一公授記與疑老同叅持平等
心去人我相妙莊嚴路仍化荆棘爲栴檀同總持門更
調水乳以酥酪蒼黃不懼大有擔當淄白共推更亾撓
阻續成阿育渾然新開湧起如來惟依古格願還無縫
之樣子可少有爲之學人募莫辭勞針能投芥施寧厭
少毛可成裘

古崖禪師募修能仁寺疏

求是堂文集

卷之十

三

九江能仁寺古承天也昔者白雲守端禪師以塵勞忽
光生前被楊岐一笑以寶惜難放下後令法演大疑烏
入亂峰先旨方便已了龍藏苑水衲僧緇素未明如斯
一代鉞錘自是千齡模楷乃郡遭兵火佛法久亾神作
金湯祖庭猶在庭前叅栢對耶莖艸也無水上按葫蘆
耳葛藤焉有古崖大師衣掛七佛不向千峰頂上安身
鉢捧千家翻從十字街頭握手是凡是聖我亦不知非
佛非心師應自肯時少裴休相國誰問真儀鄉畱陳操
尚書定光法席瑤鈴以響曾有語而欲聞殿角生風縱

無朕而如見自己便成鐵壁敢慢初機蒲床盡撒珍珠
難欺乍住梅檀之對遙映九屏而怒生竹林之園近攜
五老而喜捨祖宗閒田地應是法華再來海嶽澹生涯
不須圓通擁出特占鄙句預告同心

恒觀律師漢王峰卓菴疏

此外何奇江右無雙之勝槩其中甲秀嶽東第一之危
峰爰有漢王絕鼉梁而鴻覽始知周代凌鳥道以蝸廬
三秋漸水之雲門方斯陋矣半夜泰山之日觀顧足多
乎溪曠禪林遍地橫稱鹿苑孤清法窟諸天未許獅叢

求是堂文集

卷之十

三

昔慧燈老人拈莖艸於饅頭之下今恒觀開士挂瓣香
於鐺腳之傍元是作家已現身于兜率尚非安隱聊乞
食於給孤臺北妙高不但松風十里座如慶喜惟輪竹
影千尋佛自放光雖散花而不減神誰送供尚損米之
爲煩三疊九屏懸山河於石鏡聖凡不免同居七賢五
老轉日月于金輪佛祖何須兩院山鬼區區伎倆久逃
入藕絲孔中芩天細細神通方坐來蓮華鬚上如斯大
事要自己擔當若箇良因須同人讚嘆卽心惟一門耳
隔窻漫喚醒醒絕頂幾千仞兮憑几且呼莫莫游戲三

昧觀前劫鴿身清淨法中現影窈窕貳師看異日龍友
昆明池裏驗灰磨刀任向茂陵兒孫尚叶神人之夢挂
杖隨來匡阜楚唄寧忘賢劫之音撒手懸崖信地中無
地翻身峻斗知天外有天一見便狂呼膜拜芙蓉上蠹
方聞卽喜捨鼻薰簷荀奇芳下臨白氏艸堂幾條瀑布
云爾遠接謝家蓮社數盞殘燈已焉食荷葉僧旣不難
被精進鎧生甘蔗種寧肯易墮堅固幢檀越宰官具記
龍華之囑柴桑居士徒申兔册之言

普潤禪林募修路疏

求是堂文集

卷之十

三

景星湖上拾遺新堤普潤菴邊廬由古路萋萋芳艸不
騁馬蹄落落楊花長驚魚唼豈但車騎貴客鹵部時停
却多擔販小民徒跣不及岸經水嘴匪石不堅山爲墳
叢一坏更貴故欲成妙莊嚴路非比尋常斷必待大栴
檀林是或萬一朽木開士者引他淨土利現琉璃甯我
化城若供酥酪念門外漢頓往頻來忍途中人乍顛乍
倒佛前發誓作大因緣客却求施爲最方便旣辭五祖
隔江不顧阿師欲訪二林舊值何須婆子

募修廬山圓通寺疏

廬山北之園通寺菩薩三摩之地祖師五葉之塲唐宋
以來江山攸會風生淨谷宿德朝叅月掛靈巖高人夜
話天書肇建顏魯公之墨蹟猶懸嶽色遙分歐陽子之
雅懷具在考其始盛疇敬緣公經示齊丘相公機鋒頓
挫鼓驚曹翰將軍膽氣不粗接社白以齊開誓塔紅而
再至迨乎德止更以令行撤網抽身他家國寶吹燈就
枕這裏天明千年威自在之壇一夜開聰明之偈至若
訥重興祖利有人在破頭之微言連可遷孤掃狐踪垂
寸釘牛力之奇句世名古佛法號道曼因渡葦心寂棲
求是堂文集

卷之十

四十一

江上作拈花勢喧笑叢林南山起雲停停靄靄北山下
兩踈踈斜斜獅窟名賢象王守慧但知今日復明日不
覺前秋與後秋故曼公付法之門人皆宋朝明心之大
老如范左丞何遠問洪州路計驛四程如吳樞密脫然
過趙州關揮扇兩下如覘司都之鑄是鐵鑄如盧開府
之火看衣燎喉下一刀說甚麼居士法宰官法面門半
點分恁底觀音經諫議經咄咄怪哉戛戛難也黃夫子
劍戟不懾之前曾來薙艸浪杖人津梁欲疲之候共至
栽蓮過眼似烟似雲何其易散經心爲陵爲谷不啻難

追大士已矣雷音高山居然馬耳法每隆而致替天或
靳之事緣廢以爲興地自靈矣於是乎羣僧合食頓循
百丈良規一志同床猛思雙林盛事手持冊子乞宗居
士遊戲之文章腳踏芒繩求李長者莊嚴之功德慨茲
埋沒之久貽請雲泉嘉此蹶起而新騰權金粟自知必
濟何患不成

雙溪菴募疏

梅逢大士粟里名家過水機鋒久印心於天界隱山高
致頻遯跡於人間雖說法壽昌每思退院況報恩金竹
求是堂文集

卷之十

四一

常喻投牕爰有雙溪宦廬舊隱不無一杖雲水新思茲
上人德音實我師高足郊茨未能艸創敢奠梅檀語錄
更欲流通須求金粟今朝鶴影豈不期而肯來他日鳩
茲誰旣信而愁去故人千里破浪相尋精舍數間同風
共許近連白社吳下自有高賢遠續青原洞宗原多古
佛施應傾心跣耶引首云爾

勝果寺修佛殿疏

蓋靈散周星爰聞佛法夢來漢日互現祖庭遠師住錫
廬山開九派叢林者八所信子傳衣曹洞作五位機用

者千年以當艸深一丈之時而遇壁立千仞之傑如我
遠公大士號比鴈門實先勝果招提聲喧龍樹冷然自
肯不忘入空之雷音爾爾重來更唱還鄉之雪曲杖懸
應器也受貧女一錢帚掃偷婆更拈古人莖艸如新日
月化彼天宮歷舊河山供斯海藏一時淄白恥生不染
之蓮華千里蒼黃欣聚無爲之檀樹然清涼暫現共仰
高城酥酪風薰寧疑至味以故真人朝及像教夕持香
象截流不須有伴師王搃窟何患無兒斯朴素上座用
一瓢一笠之神通兼萬塔萬燈之精進道場究竟上報
求是堂文集

卷之十

聖一

師恩則爲己也法事莊嚴下生善信且利他乎僕家住
濱濱望慈津之有在老貧淨土思洪鑄以無從但願拾
四龍驚不嫌有爲之業除二鼠逼安隱無畏之堂上人
之意良嘉青原不難到矣居士之辭雖拙白社可易忘
歟

梵羅寺募疏

佛周沙界那得無處稱尊僧占名山不妨有爲說法余
開三徑世住九都面對梵羅儼生青髻之嶂頂成精舍
時放白毫之光南過歷陵猶幸息肩有地北經瀼水不

嘆濯足無泉地僻生茶瓊頭過日年多老對鐺腳連雲
一二殘僧久發重新之誓往來善信同懷遷正之謀望
淨土以西歸不冝他向景高山而仰止只在此中胎蓮
客勿忘三車勤講大乘小品足穀翁須施十斛准知後
果前因寺望雁門不遠高賢之社人思馬祖更通選佛
之場生於斯長於斯施應歡喜橫亦得縱亦得徒莫躊
跼霽霽川原自憐香火殷殷嫻友相結石幡可不致乎
是所勸也

鹿門禪師聽月菴募疏

求是堂文集

卷之十

十一

鹿門禪師生九派名家住六朝僧窟胸橫慧日手拂宗
風西江獨記馬駒早知自肯北闕共翻獅子頓欲相瞞
當機不順人情分席惟行祖令一條青竹子奪爲人全
幅紫衣重輕由我浩浩歸東湖之上意欲枕流明明現
西土之方菴題聽月古玉鏡不曾埋卻切忌光影中尋
之爛銀盤何故蝕諸漫從聲聞裏解耳同開佛面另出
禪機須知流雲漢之聲必從兜元國人不能講霓裳之
曲誰信廣寒宮來有相長標那惜一刀指斷無聲頻喝
自然三日耳尊蓋月之所以爲聽而菴之所以爲卓意

在斯乎縉紳先生固思超出三界弭注君子也會射卻
一羣添一竹林便篩新影仗諸梅越未滓太清咫尺上
藍好勘飛過野鴨逡巡空水莫慢釣來金鱗僕劫有鐵
石心唯知護法筆無金剛眼豈堪作疏式告同叅爰生
善信而已

饒娥祠僧自修募佛燈疏

紙牕竹壁空設琉璃梅樹曇花恰逢金粟一城芥滿箇
箇堆齊四月油香家具足自修手持冊葉漫學沿門
心願光明爭看入室形如有漏何曾漏卻箇中眼縱無
求是堂文集
卷之十
明祇要明從當下莫道七家村裏不在千佛光邊雖然
取沙壓油他瞞不得知燈是火自肯放親能信施乎慧
固三生歸已豈唐捐也福猶四面及人君不見漁叟穿
眠何湏岸火孝娥夜績不借隣光

都昌縣新開寺募疏

寺號新開應是獅王之法窟庭依古格豈非馬祖之道
場那邊南阜山雙手移來不易這畔西江水一口吸盡
何難輕放則過誰信杖頭有眼漫吹不起自憐布角無
毛故曇花已隱千年幾乎失種蔓艸徒浚一丈曾也揮

鈕上人澄公良馬前行當仁不讓壽龍後制見義斯爲
應器手提飯分香積袈裟有搭衣學水田大現則清淨
身中山河大地三千界小現則都昌縣裏燈火樓臺一
萬家發如來願以爲人旃檀再建現居士身而說法金
粟重生道得便施任開孫賓之舖相逢也戲耶轉商英
之輪

邵武大覺寺募裝佛像疏

偶客樵川偏隣大覺之寺如遊竹院恰見清淨之身拊
注摧殘何期鼎建給孤喜捨不待豐年神若啟之言則
求是堂文集

卷之十

五

著明于巫覡衆忘勞矣事且勸相于農桑現成一座佛
堂豈有不靈之聖回互三生寶位曾多未拭之塵茲遇
法師別號宗範須愿至圓滿未至圓滿以不名莊嚴是
名莊嚴火宅充車誰無牛載梵宮閉戶那得鴿飛天上
天下之獨尊像設寧容黯淡世出世間一大事威儀不
比尋常地產梅檀雖不專奇於烏坂山懸鐘鼓翻思接
盛于龍湖如天上重迎不改黃金之面如地中新湧依
然曰塔之形財施法施有以異乎塑性佛性將無同也
吁瞿曇鼻孔中消息通來金剛眼睛當下光明點出

人須自肯僕敢相瞞

募化龍開河浮橋疏

九江之地連楚戶實西鄉三面之城帶江人多東渡盈
盈衣帶惟阻龍開之河每每原田遂迷鶴問之寨向石
舟而喚渡不聽手招逢營卒以持籌更聞頭欽鴨翻樹
底隣童望燈火而愁奔驢沒泥中野老蒙雪霜而恐躓
况乎旌旄競獵畢濟何從車蓋遄征停驂不可岸上飛
魚之故徑古誠有之江中負鼉之空梁今則亾矣庾公
詩賦遙隔郡樓白傳琵琶近離驛館豈惟民病悼朝涉
求是堂文集

卷之十

四十一

之孔艱抑亦帑虛知歲成之未易二三耆耄再四躊躇
念疇昔之浮橋引繩水面循廿年之故壘立筏波心緬
與岸齊纔半裁流之鍊鎖船隨潮起直橫不戰之艤艫
事屬愛民爲德必歸於賢牧勞如謀國釀錢須付之老
成一羽雖輕聚方羣鵲疊鱗匪異成則長虹家食而耻
納隍能尚志焉有矣端居而思攸濟與爭功也誰乎擔
簦而來漫學相如題柱之事歟乃而往且歌子美咏橋

之詩

